

ETH DIARI

Numerò 111
Dijaus 20 de mai 1999

HUELHETON

DIARI

D'ARAN

Prètz: 50 pessetes

ERA OTAN ADOCÍS ETH SÒN DISCORS BELLIC



Eth secretari generau dera Aliança Atlantica, Javier Solana, parlèc per prumèr còp dera possibilitat d'arturar es atacs enes Balcans, maugrat qu'insistisc que Belgrad a de complir dues condicions: era retirada des sues tropes e eth desplegament d'ua fòrça multinacionau. Eth cancelièr ale-

man, Gerhard Schröder, que dimèrcles visitèc era casèrna generau aliada, tanben persuètèc ena via dera negociacion. Schröder considèra que sonque dempús que i age un acòrd se pòt parlar d'enviar tropes tà Kosòvo.

Aguestes reaccions se produïssen sonque un dia dempús que Belgrad auesse hèt quauques concessions, especialment en çò que tòque as refugiadi.

En tot demorar qu'eth dialòg dongue es sòns fruits, es bombardaments contunhen, maugrat que Iogoslàvia viuèc dimars era sua net mès tranquilla d'ençà deth començament dera ofensiu. Sonque i aguec dus atacs contra deposits de carburant; Belgrad denuncièc era mòrt de quate civius.

PRUMÈR PRÈTZHÈT D'EHUD BARAK: TRIGAR ES SÒNS SÒCIS DE COALICION



Eth proplèu president d'Israèu, Ehud Barak, hè tèsta ara sua prumèra decision: escuèlher sòcis entà formar govèrn.


Un executiu que contunhe era òbra inacabada d'Isaac Rabin, com afirmèc dimars eth politic laborista deuant era hòssa de qui si-

guec un des possessaires deth procès de patz en Proxim Orient. Aquiu, Barak reiterèc eth sòn "compromís tamb eth legat de Rabin, tamb eth projecte d'un Israèu pacific".

Ores dempús eth 'borrèu' politic de Benjamin Netanyahu se dirigic tath Mur des planhs en Jerusalem. Un gèst plen de simbolisme; dilhèu Barak volie profitar era sua visita tath lòc sant entà enviar un senhau as formacions politiquas religioses, possibles aliadi de coalicion.

Totun açò, es laboristes tanpòc non escarten ua eventuai aliança tamb eth desacreditat partit conservador Likud, çò que significarie que per prumèr còp ena istòria d'Israèu es partits religiosi non aurièn lòc en govèrn.

KOSÒVO: ERA DIPLOMÀCIA SE DAURÍS CAMIN



de "plan positiu". Es observadors consideren que se Talbott poguesse acceptar era suspension temporau des bombardaments, se serie mès a pròp que Belgrad acceptèsse eth plan de patz deth Grop des Ueit, un plan ath quau dèc eth sòn vistiplatz en linhas generaus, eth govèrn de Belgrad.

Era prepausta presentada eth sies de mai pes sèt païsi mès arrics deth mon e Rússia, prevèc cinc punts qu'an creat quauques dissensions laguens dera Aliança Atlantica.

Era fin immediata e verificabla dera repression, era retirada der exercit sèrbi, eth desplegament internacionau e civiu de tropes jos er emparament dera ONU, era entornada des refugiadi e er establiment d'ua administracion interina en Kosòvo.

Es uelhades se viraboquen ara entath president iogoslau, Slobodan Milosevic.

Dera sua reaccion ara amassada d'Elsinki poderie depèner er *espinós* enviament de tropes terrèstres entà Kosòvo.

Era diplomàcia internacionau semblaue auançar dimèrcles enquia ua solucion negociada dera crisi kosovara.

Se demoraue en Belgrad era visita der emissari rus entàs Balcans, Viktor Chernomirdin, dempús de dus dies d'amassades en Elsinki tamb eth subsecretari d'estat nòrd-american, Strobe Talbott.

Er anfitrión dera trobada, eth president finlandés Martti Ahtisaari, qualifiquès era trobada



Eth prumèr ministre britanic a estat en un camp de refugiadi kosovars en Albània. Blair vedec d'a pròp eth patiment d'aguestes personas e sagèc d'encoratjà-les.

ARIEL SHARON PREN, TEMPORAUMENT, ERA DIRECCION DETH LIKUD

Era direccion deth partit decidic auterajar ager eth timon d'un batèu ara deriva a un des pògui fidèus enquiara fin de Benyamin Netanyahu.

Maugrat qu'encara ei era dusau formacion politica d'Israèu, eth Likud a gessut dinamitat dempús d'ues eleccions que l'an enviat dirèctament ara oposicion.

Eth partit de Netanyahu perdec 13 deputats. Quan comencèc a comprovà-se çò de umiliant com ère era derròta, eth prumèr ministre anonièc era sua dimission ath cap deth Likud. Ath sòn costat, tostemp i siguec eth 'falcon' Sharon.

Era luta peth poder qu'ei dubèrta en Likud. Se senten tamb fòrça quauqui nòms, com eth de Silvan Shalom, numerò dus de Netanyahu; maugrat que semble auer mès possibilitats eth baile de Jerusalem. Ehud Olmer ei, segontes es analistes, eth candidat mès fòrt e mès admirat laguens deth partit.

Suspresiuament, es comicis tanben an daurit un uet de poder en partit ultraortodòxe Shas, era formacion que mès a creishut dempús des eleccions. Ariei Deri renuncièc dimars ath sòn escon ena Knesset entà non perjudicar es sòns. Deri siguec condemnat hè un mes a quate ans de preson per auer cometut fraudas pendent era sua gestion deuant deth Ministèri der Interior enes ueitanta.

Aguesta circumstància portèc ath futur prumèr ministre, Ehud Barak, a escartar ua possibla aliança governamentau tamb eth Shas en tot qu'eth carismatic rabin siguesse eth sòn líder.

Dempús d'auer portat es sòns tath màger exit electorau dera sua istòria, Deri renonciaue ara vida politica e dèishe planèr eth camin deth Shas entà entrar a formar, un còp mès, part deth govèrn.



IELTSIN QUE GUANHE UN AUTE CÒP: STEPASHIN, PRUMÈR MINISTRE

Rússia ja a prumèr ministre. Sergei Stepashin recebec dimèrcles era confiança dera Duma. Eth candidat deth Kremlin obtenguec ua plan grana majoritat e sonque arremassèc 55 vòts en contra.

En discors abantes dera votacion, Stepashin anonièc es linhas mèstres deth sòn programa politic, en quau destaquen dues prioritats: tornar era estabilitat economica e sociala ath país. Vò qu'es deputats apròven, çò d'abantes possible, es leis qu'exigís eth Hons Monetari Internacionau entà que Rússia pogue recèber un nau

credit. Er enquia ara ministre d'Interior dispòse de dètz dies entà formar govèrn. Sonque uns pògui menutes abantes dera sua confirmacion, s'amassèc tamb eth president Boris Ieltsin qu'apareishèc ena escena publica entà mercar aguesta naua victòria.


Tamb Stepashin coma nau cap der executiu, er inquilin deth Kremlin reafirme eth sòn poder sus era oposicion comunista. Dissabte passat, era Duma siguec incapabla d'aprovar era prepausta deth Partit Comunista entà destituir ath president rus.

Eth sòn deth president Puig i Cadafalch tamb eth Plan Sexennau de 1920 en çò que hè as infraestructures ère era construccion d'ua 'tèrra estructurada', ei a díder, "d'ua Catalonha crotzada de carretères, tamb 4.000 quilomètres de ferrocarrils, tamb arrius navegables, ua Catalonha electricada e urbanizada". Ère un programa que sajaue de non deishar "cap de pòble sense comunicacion electrica" ne telefon, ne carretèra, ne es-còla...

Eth sòn d'aguest país, d'aguesta tèrra estructurada, se revire aué enes infraestructures de telecomunicacions, que son aquerò qu'auem de procurar tath futur de Catalonha, ath delà d'assolidar es autes. Eth concèpte qu'ei eth madeish, sonque es airines entà arthenh'c càmbien, o mèslèu, progressen.

Actuaument, Catalonha e era rèsta de païsi de tot eth mon viu un moment de crisi, e eth nòste modèl non s'escape ad aguesta crisi. Es cambis que compòrte era modernizacion des nòstes

infraestructures, en defini-tiua, er assolidament dera Societat dera Informacion en Catalonha supause un gran cambi e, coma tot cambi, aguest represente ua menaça e tanben ua oportuni-



tat. Podem restar sense referents culturaus o, piri, podem devier ua societat copada entre ua mieitat que s'identifique tamb un passat e tamb eth país e ua mieitat que demore ath margen. Podem devier ua societat que non a sabut hèr evolucionar era sua basa economica e que, pr'amor d'açò, passe a engrassar era lista de regions qu'ath long deth darrèr sègle an dat eth pas de prosperitat tara desespe-

racion. Era naua basa economica de Catalonha demane un nau modèl capable de generar lòcs de trabalh nautament qualificadi e capabla de finançar es besonhs deth nòs-

te estat deth benestar e es besonhs d'ua proteccion deth miei cada còp mès exigents. Aguest nau modèl, aué per aué, sonque pòt èster basat en aquerò qu'en Euròpa auem decidit nomenar era Societat dera Informacion, ei a díder, ua societat ena quau era produccion de bens e servicis, era prestacion de servicis sanitaris e sociaus, er ensenhament e eth léser son prohodament impregnadi des tecnologies de tractament e

transmission dera informacion.

Eth modèl de societat que volem aurie de basà-se enes factors següenti:

-Infraestructures de banda ampla qu'arriben tà tot eth territori.

-Ciutadans e empreses que siguen pionèrs en aplicacions e contiengudi d'Internet e multimèdia en banda ampla.

-De resultes der anterior, que non i age un copament sociau per manca de coneishements o d'accès tad aguestes aplicacions, contienguts e infraestructures.

Aguesti paramètres auràn de velhar pera 'tèrra estructurada' des pròplèus annades. Eth sòn dera Catalonha deth present comence en tot concretar es infraestructures de telecomunicacions dera naua Societat dera Informacion catalana.

Miquel Puig i Raposo
Comissionat entara Societat dera Informacion
SI-Butlletí

AGUEST EI UN ESPACI A ON I PÒT AUER ETH SÒN ANONCI. TRUCATZ-MOS E MOS L'ENCOMANATZ, NOSATI LI HARAM ERA COMPOSICION GRAFICA, ERA TRADUCCION E TOT AQUERÒ QUE CALGUE, PETH MADEISH PRÈTZ. CADA MODUL (6,8 cm x 5 cm) A UN PRÈTZ DE 3.000 PESSETES MÈS IVA. TELEFON 973 64 17 72

Edite ETH DIARI
Família Colomines
Centre d'estudis VIVÈNCIA ARANESA:
Aula Euròpa des Pirinèus (Val d'Aran)
Carrèr Doctor Manel Vidal
locau num 5
(Darrèr edifici/ Ath cant der Espitau)
25530 Vielha-Val d'Aran
Telefon: 973641772
Fax: 973640871
E-mail vivenciaaranesa@ctv.es

Editor e director : Joan-Ramon Colomines-Companyans.
e-mail: jrcc@apdo.com

Informatica e dissenh: Marc Colomines i Nadal.

Equip de correctors: Xavier Gutierrez.

Equip comerciau: Ramon Agulló i Teixidor.

Impression: Xerox's Document Center 220 ST d'ETH DIARI
en Vielha. Tirada: 1000 exemplars.

ETH DIARI

HUELHETON DE SOSCRIPCION

NÒM E COGNÒMS _____

DOMICILI _____ FAX _____ TELEFON _____

CP _____ POBLACION _____ PAÍS _____

Senhalatz tamb ua (x) era modalitat de pagament que vos estimatz:

Recebut per banc o Caisha d'estauvis

Chèc adjunt

Banc / Caisha _____ Domicili dera agència _____ Poblacion dera agència _____

Còdi Banc Còdi Agénc D.C. Num. compde o libreta

____/____/____
Data

Signatura

TEL. 619 29 41 59

Telefon 973 641772

ADREÇA : Carrèr Doctor Manel Vidal. Locau 5, darrèr der edifici.
25530 VIELHA

Prètz: 19.720 ptes IVA includit.
Includís: Soscripcion annau (diari, mès 5 especiaus).
Distribucion en casa o recuelhuda en quidosc.
Dehòra dera Val d'Aran
Enviament per corrèu: 7.400 ptes.